



POZIV POSLODAVCIMA ZA UČEŠĆE NA SAJMU ZAPOŠLJAVANJA

Uvaženi poslodavci,

U skladu sa strategijom razvoja Kantona Sarajevo te aktivnostima usmjerenim na podsticanje zapošljavanja i unapređenja tržišta rada u Kantonu Sarajevo, a u cilju obezbjeđenja potrebnih deficitarnih kadrova u skladu sa potrebama poslodavaca, Javna ustanova „Služba za zapošljavanje Kantona Sarajevo“ Sarajevo u saradnji sa partnerima Ministarstvom za obrazovanje, nauku i mlade Kantona Sarajevo sa srednjim strukovnim školama, Udruženjem poslodavaca FBiH i Privrednom Komorom Kantona Sarajevo organizuje Sajam zapošljavanja.

Sajam zapošljavanja JU "Služba za zapošljavanje Kantona Sarajevo" Sarajevo koji se već tradicionalno održava krajem godine, s namjerom da na jednom mjestu okupi sve zainteresovane poslodavce i nezaposlene osobe, postao je prepoznatljivo mjesto na kojem svi sudionici imaju jednake šanse za pristup informacijama o stanju na tržištu rada u Kantonu Sarajevo.

Kao efikasna mjera aktivne politike zapošljavanja, Sajam predstavlja idealan način povezivanja poslodavaca i nezaposlenih osoba koje aktivno traže posao. Na taj način poslodavcima se pruža mogućnost da na jednostavan i neposredan način dođu do kvalitetnih radnika te promovišu svoju kompaniju. Poslodavcima je ovo prilika da iskažu svoje kadrovske potrebe, jednostavno i brzo pronađu kvalitetan kadar u velikom broju djelatnosti.

Stoga Vas zajedno sa partnerima, pozivamo da učestvujete na ovogodišnjem Sajmu zapošljavanja Javne ustanove „Služba za zapošljavanje Kantona Sarajevo“ Sarajevo koji će se održati u Sarajevu, 30.11.2018. godine (Dom mladih/Skenderija) sa početkom u 10 sati.

Svi koji su u potrazi za poslom moći će na Sajmu da uspostave direktan kontakt sa poslodavcima, predstave im se i predaju svoje biografije (CV), a na štandu Javne ustanove „Služba za zapošljavanje Kantona Sarajevo“ Sarajevo zainteresovani će moći da dobiju informacije o programima sufinansiranja zapošljavanja, samozapošljavanja, obuke, dokvalifikacije i prekvalifikacije, dok će nezaposlenim osobama biti pružena i pomoć u pisanju radne biografije (CV). U okviru pratećeg sajamskog programa, u sali Doma mladih će biti organizovane radionice, okrugli stolovi i ostali sajamski sadržaj.

Ukoliko želite sudjelovati na Sajmu, molimo Vas da popunite registracijski obrazac u prilogu te isti pošaljete na e-mail adresu: ida.hadzimuratovic@szks.ba.



VD DIREKTOR

Muhamed Bekto